

տաւորէն և զճարտարապետ քաղաքին . և եղև 'ի հասանիլ նոցա անդ՝ գտին զորմս վանաց ծեփեալ ներքոյ եւ արտաքոյ և զպատուարանս 'ի վերայ պարսպին քարուկիրս եհարց իյուպ աղա ցճարտարապետն թէ՛ գտանի՞ աւելի ինչ քան զնախկին շինուածն , և նա ասէ՛ ոչ , եհարց նա և ցայլազգիսն Սիոնի . զնոյն պատասխանիս՝ ետուն և նոքա . ապա յաւելին ասել՝ թէ՛ ոչ երբէք վնաս հասեալ է մեզ 'ի քրիստոնէից՝ որք բնակին 'ի վանսդ , և ոչ 'ի մէնջ առ նոսա : Յետ այսր քննութեան՝ դարձան առ դատաւորն և պատմեցին նմա , և նորա 'ի գրի հարեալ զամենայն ինչ առաքեաց առ հոստակալն 'ի ձեռն իյուպ աղայի , 1074 (1613) : Յետ այսր երկար դատաստանաց եւ քննութեանց դարձեալ ոչ կարացին զերծանիլ Հայք 'ի ձեռաց այլազգեաց . ուստի հարկ եղև նոցա ստիպել ըզդատաւորն ծանուցանել զեղեալսն 'ի Գուռն . վասն Սուրբ Փրկչի և Հրեշտակապետի վանորէից , և խնդրել հրովարտակ յԱրքայէ . զի թերեւս կարացեն զերծանիլ այնու 'ի բռնութեանց այլազգեաց . և նա կատարեաց զխնդիրս նոցա , 1070 (1613) :

—◆—

Գ Լ ՈՒ Խ Խ .

Գմբեթն Համբարձման եկեղեցոյն : Վէճ Լատինաց ընդ Հայոց , տակաւայրին Մենդեան Քրիստոսի , և Գառանատեղւոյն : Ամբաստանութիւնք նոցին 'ի Գուռն արքայի , և դարձեալ խոսովութիւն տակաւայրին Մերնդեան , և մերժումն Հայոց յայրէ անտի :

**Մ**ի ոմն յայլազգեաց Երուսաղէմի՝ 'ի սերնդոց Ալէօ կոչեցեալ Շէյխին , 'ի կենդանութեան իւրում կամեցաւ չինել և պատրաստել զգերեզման իւր 'ի ներքոյ գմբեթի Համբարձման ոտնատեղւոյն Քրիստոսի . լուեալ զայս Գրիգորի պատրիարքի և միաբանացն Հայոց , 'ի բազումս աչխատ եղեն՝ և ջանացին խափանել զնա 'ի խորհրդոց իւրոց , յորմէ կրեցին վիշտս և յանդիտեցան միասուց . սակայն չ'չահեցան ինչ , և դատաւորն անգամ չկարաց դար-